

16 - KUWA NA MWANZO MPYA



Waweza Kuanza Tena

1



2

Mwezi wa Machi, mwaka 1992, muinjilisti mkristo alikuwa na mfululizo wa mikutano ya kiinjilisti katika ukumbi wa Kremlin kule Moscow.

Baada ya moja ya mikutano, aliketi katika ofisi yake ndogo, wakati mlango ulipofunguliwa wazi ghafula.



3

Kijana aliyeonekana kuwa mkakamavu akiwa na ndevu zisizo chanwa na mwonekano usio nadhifu alivamia chumba.

Akiamini ya kuwa huyu alikuwa akienda kumvamia, muinjilisti alipiga hatua nyuma. Mkalimani wa Kirusi akakaa kati yao.

Mara ile huyu mtu alianza kurusha mikono hewani huku akiongea kwa jazba kwa Kirusi.

Huyu mkalimani akaeleza ya kwamba huyu mtu alikuwa mmoja kati ya wahalifu waliokithiri wa Moscow.

Alikuwa ameingia na kutoka gerezani mara ishirini na nane.

Hali akiwa amejazwa na hatia na kukata tamaa juu ya wakati ujao, alitamani kupata amani.

Muinjilisti alisoma kwa utulivu kabisa 1Yohana 1:9 Tukiziungama dhambi zetu, Yeye ni mwaminifu na wa haki hata atuondolee dhambi zetu, na kutusafisha na udhalimu wote.

Alimueleza huyu mtu aliyefadhaika kisa cha yule mwivi msalabani aliyepata msamaha.

Alimhakikishia, Yesu ni Mwokozi yule yule leo.

Anatoa msamaha. Anatoa ukombozi. Anatoa wokovu. Uchukue! Shangilia katika huo ! Mtukuze Mungu kwa huo!

Huku machozi yakimtiririka usoni pake, kijana huyu wa Kirusi mwenye hatia alipiga magoti na kupokea msamaha wa Mungu.

16 - KUWA NA MWANZO MPYA



4

Mwaka mmoja hivi baadaye muinjilisti alitembelea Moscow. Alipomsifu Mungu pamoja na kundi la waumini katika kanisa jipya lililopangwa karibuni, alitambua huyu aliyekuwa mhalifu akiimba katikati ya kwaya.



5

Uso wa huyu mhalifu wa zamani ulionyesha amani mpya ya ndani. Huyu mtu aling'aa tu kwa furaha. Alikuwa amemkubali Kristo. Mafundisho ya Biblia yalikuwa yamebadili maisha yake, na alimfuata Yesu katika ubatizo wa Biblia.

Ubatizo wa Biblia ni kielelezo cha maisha yaliyobadilishwa na neema ya Mungu. Ubatizo hutoa ushuhuda wa mwanzo wa maisha mapya katika Yesu Kristo.

Ubatizo hunena juu ya maisha yaliyo badilishwa. Moja ya vielelezo vyenye nguvu sana vya mabadiliko ya kushangaza ambayo Kristo aweza kuyafanya katika maisha ni kisa cha Sauli ambaye baadaye alikuwa Paulo.



6

Ingawa Sauli alikuwa raia wa Kirumi kwa kuzaliwa, na alielimishwa na waalimu bora zaidi katika Yerusalemi, Sauli alikuwa mtu wenye bidii sana katika dini ya Kiyahudi, na alitambulika kama mtetezi aliyekubuhu wa imani yao.



7

Sauli - ambaye jina lake baadaye lilibadilishwa na kuwa Paulo baada ya kuongoka kwake-- yeye mwenyewe anaeleza alichokitenda ili kuwamaliza Wakristo.



8

MATENDO 22:4

Nikawaudhi...
hata kuwaua,
nikawafunga,
nikawatia
gerezani,
wanaume
na wanawake.

(Fungu: Matendo 22:4,5)

Nikawaudhi.....hata kuwaua, nikawafunga, nikawatia gerezani, wanaume na wanawake.....

16 - KUWA NA MWANZO MPYA



9

nikaenda Dameski, ili niwalete wale waliokuwa huko hata Yerusalemu, hali wamefungwa ili waadhibiwe. Matendo 22:4,5.



10

Alipokuwa njiani mwake kwenda Dameski, nuru ng'avu ilitokea mbinguni na kumpiga hata chini.



11

(Fungu: Matendo 22:7,8)
Alisikia sauti, ikisema, ...Sauli, Sauli, mbona unaniudhi?



12

naye akajibu, Wewe u nani, Bwana? Na sauti ikajibu,



13

Mimi ni Yesu Mnazareti, ambaye wewe unaniudhi. Matendo 22:7,8.



14

(Fungu: Matendo 22:10)
Huyu Farisayo mwenye kiburi alimuuliza Bwana kwa unyenyekevu, 'Nifanye nini, Bwana?' Bwana akaniambia..., 'Simama, uingie Dameski,



15

na huko utaambiwa habari za mambo yote yaliyoamriwa uyafanye.' Matendo 22:10.



16

Sauli alipigwa upofu na nuru kali hata ikabidi aongozwe hadi kwenye nyumba ndani ya Dameski.

16 - KUWA NA MWANZO MPYA



17

Kwa siku tatu Sauli alikuwa na muda wa kuwaza taabu na mateso aliyokuwa amewasababishia watu wa Mungu, na pia juu ya nyakati ambazo alikuwa ameapa ya kwamba Yesu hakuwa Masihi na ya kwamba Wafuasi wake walikuwa tu wazushi waliodanganyika.

Katika kushuhudia dhidi ya watu wa Mungu na katika kuwashitaki kwa kuwasingizia, alikuwa amemshitaki na hata kushuhudia dhidi ya Mwokozi wa Ulimwengu!


Ni taabu kiasi gani katika moyo wake, aliyoipata kutokana na utambuzi huu.

Sauli alikuwa na wasaa kurekebisha mambo yake na Bwana wake.



18


Aliketi katika giza totoro kwa siku tatu, kisha Mungu alimtuma nabii kwake aliyeitwa Anania. Kisha Anania akamwambia Sauli,



19

(Fungu: Matendo 22:13-15)

'Ndugu yangu Sauli, uone.' Nikamwinulia macho yangu saa ile ile.



20

Akasema, Mungu wa baba zetu amekuchagua wewe upate kujua mapenzi yake,



21

na kumwona yule Mwenye haki, na kuisikia sauti itokayo katika kinywa chake.

16 - KUWA NA MWANZO MPYA



22

Kwa maana utakuwa shahidi wake kwa watu wote, wa mambo hayo uliyoyaona na kuyasikia.' Matendo 22: 13-15.

Kisha, ili Sauli asonge mbele katika maisha yake na kufunga mlango kwa yale ya wakati uliopita,



23

(Fungu: Matendo 22:16)

Anania akamwambia Sauli, Basi sasa, unakawilia nini? Simama, ubatizwe, ukaoshe dhambi zako,



24

ukiliitia jina lake.
Matendo 22:16.



25

Hii ndiyo njia ambayo kwayo Sauli alikuwa aunganishwe na Bwana wake milele. Ubatizo ulikuwa mlango wa kuingilia katika maisha mapya kwa Sauli. Sauli alihitaji kuoshwa na kuwa safi toka kwa mambo ya kutisha aliyokuwa ameyatenda katika jina la dini. Alihitaji kusafishwa. Alijua alihitaji neema ya Mungu ya ajabu na wokovu na msamaha.



26

Wakati alipobatizwa alijua ya kwamba Mungu alikuwa amemsamehe. Na Paulo mtesaji angekuwa Paulo, mtauwa kwa ajili ya Yesu maisha yake yote!



27

Je, umewahi kutamani ungeanza upya tena na makosa yote ya wakati uliopita yangeoshwa kabisa?

16 - KUWA NA MWANZO MPYA



28

Mungu alijua ya kwamba tulihitaji sote uzoefu kama huo, hivyo akaweka ubatizo kama ishara ili tuunganishwe naye kuanzia wakati huo na kuendelea: mwanzo mpya - maisha mapya ndani ya Yesu.


Ni kipi ambacho kwa uzuri zaidi kingewakilisha kufa katika dhambi na mwanzo wa maisha mapya kuliko ubatizo kwa kuzamisha - kwa kuzamishwa ndani ya maji?



29

Ubatizo wa Kikristo ulikuwa na mwanzo wake kwa Yohana Mbatizaji, nabii ambaye hakuwa mtanashati aliyetokea katika jangwa la Yudea akihubiri kwa ujasiri juu ya toba.


Njia zote zilizoongoza kwenda Mto Yordani zilikuwa zimefurikiwa na watu wakienda kumsikiliza.



30

(Fungu: Mathayo 3:5,6)

Biblia yasema, Ndipo walipomuendea Yerusalemu, na Uyahudi wote, na nchi zote za kando kando ya Yordani;



31


Naye akawabatiza katika mto wa Yordani, huku wakaziungama dhambi zao.
Mathayo 3:5,6.



32

Akifunga mlango kwa karakana yake ya useremala na kumpungia mama yake kwa mkono wa kwaheri, Yesu pia alielekea Yordani.

Wakati Yohana alipomuona Yesu, alimtambua na akasimamisha hubiri lake.



33

(Fungu: Yohana 1:29)

Huku akielekeza wasikilizaji wake kwa Yesu, Yohana alisema,Tazama! Mwana-Kondoo wa Mungu, aichukuaye dhambi ya ulimwengu.

Yohana 1:29.

16 - KUWA NA MWANZO MPYA




34

Yohana alitambua Mwana-Kondoo wa kweli wa kafara ambaye alikuwa afe kwa ajili ya dhambi za wote ambao wangeikubali kafara yake. Wakati Yesu alipoomba kubatizwa, Yohana alisita.



35

(Fungu: Mathayo 3:14)
Alisema, Mimi nahitaji kubatizwa na wewe. Mathayo 3:14.




36

(Fungu: Mathayo 3:15)
Lakini Yesu alisisitiza,...Kubali hivi sasa; kwa kuwa ndivyo itupasavyo kuitimiza haki yote. Fungu la 15. Yohana alitambua ya kwamba Yesu hakuwa na dhambi yoyote ya kuungama. Na Yesu kwa kweli hakuhitaji kueleleza imani yake katika ufufuo wake mwenyewe!




37

Yesu aliomba abatizwe kwa sababu alitaka kuwa sawa na mwanadamu mwingine yeyote. Alitaka kuacha mfano ulio mkamilifu kwa ajili yetu kuufuata. Hivyo Yohana akamzamisha Yesu ndani ya Mto Yordani, kwani hii ndiyo maana ya neno ubatizo.



38


(Fungu: Mathayo 3:16,17)
Biblia yasema, Naye Yesu alipokwisha kubatizwa, mara akapanda kutoka majini; na tazama, mbingu zikamfunukia,



39

akamwona Roho wa Mungu akishuka kama hua, akija juu yake; Mathayo 3:16.


16 - KUWA NA MWANZO MPYA



40

na tazama, sauti kutoka mbinguni ikisema, Huyu ni Mwanangu, mpendwa wangu, ninayependezwa naye.' Mathayo 3:16,17

Katika mbawa za hua, Mungu alituma Upendo wake na maneno ya kumtia moyo Yesu, lakini alifanya jambo jingie zaidi.



41

Yesu alipokuwa akitembea toka ndani ya maji na kusimama nguo zikidondosha matone ya maji katika kingo zenye tope za Yordani, Mungu alimtambulisha hadharani kama Mwanae-Mtiwa Mafuta.

Ubatizo wa Kristo uliashiria mwanzo wa huduma yake ya hadhara. Petro alisema,



42

(Fungu: Matendo 10:38)

.....Mungu ali..mtia mafuta (Yesu wa Nazareti) kwa Roho Mtakatifu na nguvu...



43

naye akazunguka huko na huko, akitenda kazi njema na kuponya wote walioonewa na Ibilisi; kwa maana Mungu alikuwa pamoja naye.

Matendo 10:38.

Yesu mwenyewe hakubatiza, lakini Biblia inayo taarifa ya wanafunzi wake wakifanya hivyo:



44

(Fungu: Yohana 4: 1,2)

..Mafarisayo wamesikia ya kwamba , Yesu anafanya wanafunzi wengi kuliko Yohana,



45

(lakini Yesu mwenyewe hakubatiza, bali wanafunzi wake,)

Yohana 4: 1, 2.

Na tazama amri ya mwisho ya Kristo iliyorekodiwa kabla tu hajaenda mbinguni:

16 - KUWA NA MWANZO MPYA



46

(Fungu: Mathayo 28:19,20)

Enendeni basi, mkawafanye watu wa mataifa yote wawe wanafunzi wangu; mkiwabatiza kwa jina la Baba, na la Mwana, na la Roho Mtakatifu:



47

Na kuwafundisha kuyashika yote niliyowaamuru ninyi; na tazama, mimi nipo pamoja nanyi siku zote, hata ukamilifu wa dahari.....

Mathayo 28:19,20.



48

Pengine unajiuliza kuwa ni aina gani ya ubatizo wafuasi wa Yesu waliyofanya baada ya kurudi zake mbinguni.

Bila ya shaka walifuata mfano wa Yesu, kwani walikuwa wanafunzi wake.



49

(Fungu: Waefeso 4:5)

Paulo, mmoja wa wafuasi wa Yesu aliyekuwa na bidii sana, anasema ya kwamba kuna Bwana mmoja, imani moja na ubatizo mmoja

Waefeso 4:5.



50

Taarifa makini kabisa moja tu ya ubatizo baada ya msalaba imerekodiwa katika Kitabu cha Matendo - ubatizo ulioendeshwa na Filipo, muinjilisti.



51

Filipo alipokuwa akitembea kwenye barabara ya vumbi kuelekea Gaza, alimuona mhazini wa Kushi (Ethiopia) wa Malkia Kandake, aliyekuwa na mamlaka ya hazina yote. Alikuwa amekuja Yerusalemu kuabudu.



52

Sasa alikuwa safarini kurejea nyumbani, akisafiri katika gari la farasi huku akisoma katika gombo. Filipo alimkimbilia huyu mtu na kumuuliza

16 - KUWA NA MWANZO MPYA



53

(Fungu: Matendo 8:30,31)
...Je, Yamekuelea haya unayosoma? Yule mhazini akajibu kwa haraka,



54

Nitawezaje kuelewa,
mtu asiponiongoza?



55

Akamsihi Filipino apande na kuketi pamoja naye. Filipino akatizama akaona ya kuwa mtu huyu alikuwa akisoma Isaya, sura ya 53. Huyu Mkushi akamkaribisha Filipino ili amulezee. Sura ilikuwa ikieleza juu ya maisha ya Yesu na kwa undani ilieleza juu ya kusulubishwa kwa Masihi.



56

(Fungu: Matendo 8:35)
Biblia yasema, Filipino....akianzia kwa andiko lilo hilo, akamhubiri habari njema za Yesu. Matendo 8:35.



57

Lilikuwa fundisho la Biblia zuri kiasi gani, wakiendelea kurushwa rushwa katika lile gari la farasi! Filipino hakueleza tu juu ya Yesu, bali ni wazi alieleza umuhimu wa ubatizo, kwani Biblia yasema ya kuwa walipofika katika dimbwi la maji, Mkushi alimwambia Filipino,



58

(Fungu: Matendo 8: 36,37 HNKK)
Mahali hapa pana maji; je, kuna chochote cha kunizuia nisibatizwe? Matendo 8:36.



59

Filipo akasema, Kama unaamini kwa moyo wako wote unaweza kubatizwa.

16 - KUWA NA MWANZO MPYA



60

Yule Mkushi akasema, Naam, ninaamini kwamba Yesu Kristo ni Mwana wa Mungu. Fungu la 37.



61

(Fungu: Matendo 8: 38)

Basi, huyo ofisa akaamuru lile gari lisimame; na wote wawili, Filipo na huyo ofisa wakashuka majini, naye Filipo akambatiza.

Matendo 8:38.

Filipo akamzamisha mhazini wa Kikushi ndani ya maji, kama jinsi Yohana alivyomzamisha Kristo wakati alipobatizwa.



62

(Fungu: Matendo 8: 39)

Kisha walipopanda kutoka majini, Roho wa Bwana akamnyakua Filipo,



63

....basi alikwenda zake akifurahi.

Matendo 8:39



64

Hilo ndilo linalotokea tunapozika maisha ya kale ya dhambi na kuanza maisha mapya katika Kristo. Wazi kabisa, kuzamisha ilikuwa ni aina ya ubatizo uliotumiwa na kanisa la Kikristo la awali.



65

Kwa kweli, hakuna kielelezo chochote katika Agano Jipya cha aina nyingine yoyote ya ubatizo. Hapa ipo picha ya dimbwi la kubatizia katika kanisa la karne ya kwanza kule Filipi. Wanahistoria wa awali wa kanisa na utafiti wa wanaakiolojia



66

wote huonyesha ya kwamba uzamisha ilikuwa aina ya ubatizo hadi kufikia karne za kumi na mbili na tatu.

16 - KUWA NA MWANZO MPYA




67

Kadinali James Gibbons aliandika:Kwa karne kadhaa baada ya kuanzishwa kwa Ukristo ubatizo kwa kawaida ulifanywa kwa njia ya kuzamisha;



68

lakini tangu karne ya kumi na mbili mazoea ya kubatiza kwa kunyunyiza yametawala kanisa Katoliki.



69

Kwani namna hii hufanyika bila usumbufu kama ilivyo ile ya kuzamisha.....



70

...Kanisa linatumia busara yake katika kuchagua namna isiyo na usumbufu kuliko zote, kulingana na manzili ya wakati na mahali.
-Imani ya Baba Zetu, Tol. la 94, uk.277.



71

Watalii wengi leo wanalitembelea kanisa la Mt. Yohana, lililopo katika magofu ya jiji la kibiblia la Efeso kule Uturuki. Kanisa hili lilijengwa kama kumbukumbu kwa ajili ya mwanafunzi Yohana. Jambo la kuvutia zaidi ni kisima cha kubatizia, hali kikiwa mviringo kwa umbo, kama futi kumi na mbili za upana na futi nne za kina, kina ngazi ziendazo chini hadi kwenye maji ya ubatizo yaliyo sehemu mbili.



72

Watu wengi wamesikia juu ya kinara cha kale cha kengele kilicho mbele ya Kanisa kuu la Pisa, nchini Italia, ambacho kinafahamika zaidi kama Kinara Kilichoinama cha Pisa.



73

Pamoja na Kanisa kuu na kinara kilichoinama ni kisima cha kubatizia, jengo kubwa la mviringo

16 - KUWA NA MWANZO MPYA



74

linalozinga kisima ambacho ni futi kama ishirini toka upande mmoja hadi mwingine na futi nne za kina ambacho kilijengwa katika karne ya kumi na nne.

Miaka elfu moja na mia tatu iliyopita baada ya kupaa kwa Kristo, namna ya ubatizo bado ilikuwa kwa namna ya kuzamisha!



75

Kuna dazani za makanisa ya aina hii yenye visima vya kubatizia kama hivi katika Ulaya. Sitini na sita vinapatikana katika Ulaya pekee, ambavyo ujenzi wake unaonekana kuwa wa kati ya karne ya nne na ya kumi na nne.



76

Lakini huduma ya ubatizo ina umuhimu kiasi gani?



77

Je, kweli ni muhimu kubatizwa?



78

(Fungu: Yohana 3:5)

Yesu akajibu, 'Amin, amin nakuambia, mtu asipozaliwa kwa maji na kwa Roho,'



79

hawezi kuingia ufalme wa Mungu.' Yohana 3:5



80

Yesu anaelekeza hapa ya kwamba kuzaliwa kwa maji, ikimaanisha ubatizo kama tutakavyoona baadaye, ni muhimu ili mtu aingie mbinguni.

16 - KUWA NA MWANZO MPYA



81

Kristo hakuitoa hii kauli ya muhimu mara moja tu. Tazama ya kwamba anasema kwa umuhimu kabisa jambo hilo hilo katika Marko 16:16:



82

Anayeamini na kubatizwa ataokolewa; asiyeamini atahukumiwa. (Marko 16:16 HNKK). Hatua ya kwanza katika kujiandaa na ubatizo wa Biblia ni kuamini ya kwamba Yesu Kristo alikufa kwa ajili ya dhambi zako na ni Mowokozi wako na Bwana.



83

Filipo anasisitiza hitaji hili la imani iliyo kamili katika Kristo kwa huyu Mkushi. Wakati Mkushi alipomuuliza Filippo kama angebatizwa, Filippo alisema,



84

.....Kama unaamini kwa moyo wako wote unaweza kubatizwa.... Matendo 8:37.



85

(Fungu: Mathayo 28:19)
Yesu aliwapatia wanafunzi wake hatua ya pili, Enendeni....mkawafanye mataifa yote kuwa wanafunzi, mkiwabatiza. Mathayo 28:19.
Kufundisha kunatangulia ubatizo.



86

(Fungu: Mathayo 28:20)
Yesu alisema atakaye kubatizwa anapaswa kufundishwa ..kuyashika yote niliyowaamuru ninyi.....
Mathayo 28:20.



87

Kwa maneno mengine, mtu anayejiandaa kwa ajili ya huduma takatifu ya ubatizo anahitaji kuelewa mafundisho ya Yesu na kuyakubali. Lakini, inahitajika zaidi ya ujuzi wa mafundisho.

16 - KUWA NA MWANZO MPYA



88

(Fungu: Mathayo 28:19)

Basi, enendeni, mkawafanye mataifa yote kuwa wanafunzi, mkiwabatiza kwa jina la Baba, na Mwana, na Roho Mtakatifu; Mathayo 28:19

Lazima kuwe na kujitoa kwa maisha ya mtu kwa Kristo. Wakati mtu aunganikapo na Yesu, anakuwa na asili ya kuishi kama Kristo.

Hataki kukubali kufanya jambo lolote ambalo Yesu asingekubali kulifanya!



89

Hatua ya tatu ni toba. Petro alisema,



90

(Fungu: Matendo 3:19)

Basi, tubuni mkamrudie Mungu ili afute dhambi zenu.....

Matendo 3:19. Toba humaanisha mtu kuhuzunikia dhambi zake kwa ndani kabisa na kuziacha.



91

Hili laweza kutokea tu kwa moyo ambao umekuwa Kalvari - moyo ambao umeguswa na kulainishwa na kafara iliyotolewa kwenye msalaba ili kutuokoa toka dhambini.



92


Hebu tufanye muhtasari wa hatua hizi katika kujiandaa na ubatizo;



93


1. Kabla ya ubatizo mtu sharti amkubali Yesu kama Mwokozi na Bwana.

16 - KUWA NA MWANZO MPYA



94

2. Kabla ya ubatizo, mtu sharti aelewe mafundisho ya Yesu na awe tayari kumfuata Yeye.



95

3. Anapaswa aungame dhambi zake zote na kutubu.



96

Pengine umekuwa ukitamani nyakati fulani kubadilisha maisha yako ili yawe bora zaidi - lakini hujajua tu ni vipi inaweza kufanya hivyo.

Kwa kufuata hizi hatua tatu katika kujiandaa na ubatizo, waweza kuwa mtu mpya-tokea ndani hadi nje.

Kwa nguvu ya Mungu, waweza kubadilishwa, kuzaliwa upya, na kuongoka.



97

Wakati fulani watu huuliza, Ninapobatizwa, Je, ninakuwa sehemu ya kanisa? Au huwa ninabatizwa tu katika Yesu?

Biblia inafundisha ya kwamba ubatizo katika Kristo ni ubatizo wa kuingia katika mwili wake, kanisa.

Wakati umati ulipobatizwa siku ya Pentekoste, Biblia inatamka,



98

(Fungu: Matendo 2:41, 42)

Nao waliolipokea neno lake wakabatizwa; na siku ile wakaongezeka watu wapata elfu tatu.



99

Wakawa wakidumu katika fundisho la mitume, na katika ushirika,

16 - KUWA NA MWANZO MPYA



100

na katika kuumega mkate na kusali. (Matendo 2:41,42)

Fungu li wazi. Tunapobatizwa, hatuwi wajane wa kiroho. Hatuachwi peke yetu. Watu waliobatizwa katika Matendo walidumu katika fundisho la mitume na katika ushirika.

Walikuwa sehemu ya kanisa la Mungu lililoamini Biblia.



101

(Fungu: 1 Wakorintho 12:13)

1 Wakorintho 12:13 inasema: ...Kwa maana katika Roho mmoja sisi sote tulibatizwa kuwa mwili mmoja. .. Fungu la 28 linabainisha kabisa ya kwamba mwili huu ni kanisa.

Wakati wanaume na wanawake wanapomkubali Yesu na kutoa maisha yao kumfuata, wanatamani kuabudu na waumini wenzao. Mioyo yao inawaka ndani yao kuwa sehemu ya kanisa linalozishika amri za Kristo.



102

(Fungu: Mathayo 28:19,20)

Hii ndiyo sababu Yesu alisema katika Mathayo 28:19,20:

Basi, enendeni, mkawafanye mataifa yote kuwa wanafunzi, mkiwabatiza kwa jina la Baba, na Mwana, na Roho Mtakatifu;



103

na kuwafundisha kuyashika yote niliyowaamuru ninyi;.....



104

Usiku wa leo Yesu anakuita utoe maisha yako kwake. Anakuita ili uwe sehemu ya watu wake wanaoiamini Biblia, na kuzishika amri zake. Anakupatia mwaliko ule ule aliompata Paulo:

16 - KUWA NA MWANZO MPYA



105

Sasa basi, ya nini kukawia zaidi? Simama ubatizwe na uondolewe dhambi zako kwa kuliungama jina lake. (Matendo 22:16 HNKK).



106

Jioni moja kiongozi mmoja wa Kiyahudi aliyeitwa Nikodemu alimjia Yesu. Hakutaka marafiki zake wajue ya kwamba alikuwa akimpenda Yesu.



107

(Fungu: Yohana 3:2)
Alimsifu Yesu kwa kumwambia, Rabi, twajua ya kuwa u mwalimu, umetoka kwa Mungu:



108

kwa maana hakuna mtu awezaye kuzifanya ishara hizi uzifanyazo wewe, isipokuwa Mungu yu pamoja naye.

Yohana 3:2.

Yesu aliweza kusoma moyo wa mtu huyu, hivyo akaenda moja kwa moja kwa mada husika na kumuonyesha Nikodemu alichio hitaji.



109

(Fungu: Yohana 3:3)
Yesu akajibu, akamwambia, 'Amin, amin, nakwambia,



110

Mtu asipozaliwa mara ya pili, hawezi kuuona ufalme wa Mungu.
Yohana 3:3.



111

(Fungu: Yohana 3:4)
Nikodemu alishangaa, kisha akamwuliza Yesu, Awezaje mtu kuzaliwa, akiwa mzee?

16 - KUWA NA MWANZO MPYA



112

Aweza kuingia tumboni mwa mamaye mara ya pili akazaliwa?' Yohana 3:4



113

(Fungu: Yohana 3:5)

Yesu akamfafanulia ya kwamba alikuwa akinena juu ya kuzaliwa kiroho, aliposema, Amin, amin, nakwambia, Mtu asipozaliwa kwa maji na kwa Roho,



114

hawezi kuingia ufalme wa Mungu.

Yohana 3:5.

Hapa Yesu ananena juu ya kuzaliwa kiroho ambako kunashuhudiwa kwa njia ya ubatizo.

Maelezo hapa yanamaanisha ukweli ya kwamba mtu ataoshwa kwa maji ya ubatizo.



115

Bila ya shaka Nikodemo, Farisayo aliyejisikia, alitegemea kuingia kwa ufalme wa Mungu kwa heshima ya yeye kuwa mzaliwa asilia, mcha Mungu wa Kiyahudi.



116

Hata hivyo, Yesu aliliweka wazi ya kwamba chochote kilicho pungufu ya badiliko kamili la maisha kwa uwezo wa Roho Mtakatifu - kama linavyoelelezwa katika ubatizo - hakikuwa cha kufaa.



117

Hii ndiyo njia ya mtu kuweka muhuri katika ukubali wake wa kafara iliyotolewa na Baba kupitia kwa utekelezaji wa Mwana.



118

Huu ndiwo mwanzo wa maisha mapya katika Kristo.

16 - KUWA NA MWANZO MPYA




119

(Fungu: Mathayo 3:17)

Kwenye ubatizo wa Kristo, sauti ya Mungu ilisikika, ikisema Huyu ni Mwanangu, mpendwa wangu, ninayependezwa naye.

Mathayo 3:17.



120

Ilikuwa wakati huu, ambapo Roho Mtakatifu katika umbo la huwa alimtia mafuta Yesu, ndipo alipokuwa Mtiwa Mafuta au Masihi au Kristo.



121

Tukio hili liliashiria mwanzo wa huduma ya hadhara ya Yesu Kristo.

Kama hivyo, ndivyo ubatizo wa muumini unavyoashiria mwanzo wa maisha mapya pamoja na Kristo Mwokozi wake.

Tukio hili pia huashiria ushuhuda wa hadharani wa muumini kwa ubatizo wake ya kwamba ameunganishwa na Kristo, ya kwamba amemvaa Kristo.



122


(Fungu: Wagalatia 3:27)

Wagalatia 3:27 inasema, Maana ninyi nyote mliobatizwa katika Kristo mmemvaa Kristo.



123

Ubatizo, kwake yeye ambaye amemkubali Kristo kama kafara yake, huonyesha imani yake katika mambo makuu matatu ya kafara ya Kristo.




124

(Fungu: Warumi 6:3,4)

Paulo alisema, Hamfahamu ya kuwa sisi sote tuliobatizwa katika Kristo Yesu tulibatizwa katika mauti yake?

Warumi 6:3

16 - KUWA NA MWANZO MPYA



125

Kisha anaendelea katika kuelekeza hatua inayofuata ambayo Mkristo anaichukua katika huduma hii: Basi tulizikwa pamoja naye kwa njia ya ubatizo katika mauti yake. Fungu 4.

Lakini kuna sehemu ya tatu kwa tendo hili la imani.



126

(Fungu: Warumi 6:4)

Kusudi kama Kristo alivyofufuka katika wafu kwa njia ya utukufu wa Baba,



127


vivyo hivyo na sisi tuenende katika upya wa uzima. Fungu la 4.

Umeupata hapo. Mtu akibatizwa amezaliwa kwa Roho na kwa maji!



128

Tunaeleleza hadharani imani yetu katika mauti, mazishi na ufufuo wa Yesu Kristo.



129

(Fungu: Warumi 6:11)

Kisha Paulo anatuambia, Vivyo hivyo ninyi nanyi jihesabuni kuwa wafu kwa dhambi, na walio hai kwa Mungu katika Kristo Yesu Bwana wetu.

Sasa je, waweza kuona kwa nini hii ni sehemu nzuri sana katika maisha ya Kikristo?



130

Ni kama ilivyo sherehe ya Harusi kwa waliochumbiana.

Huu ni wasaa wao wa kushuhudia hadharani ya kwamba wameunganishwa pamoja katika maisha yao yote.



131

(Fungu: Waefeso 4:5)

Biblia inatuambia ya kwamba tunaye, Bwana mmoja, imani moja, ubatizo mmoja. Waefeso 4:5.

Na bado katika kanisa, inaelekea kuna njia nyingi sana za ubatizo ambazo zinafanyika.

16 - KUWA NA MWANZO MPYA



132

Baadhi wananyunyiza, baadhi wanamwagia maji, na wengine huzamisha. Yawezekanaje kuwa na ubatizo mmoja, wakati kuna kuchanganyikiwa juu ya njia iliyo sahihi?




133

Tunapaswa tu kuuliza, Je, Yesu alifanya nini?



134

Tunaona ya kuwa Biblia yasema ya kwamba Yohana alikuwa akibatiza katika mto wa Yordani. Wakati Yesu alipobatizwa, alipanda kutoka majini. Alibatizwa kwa kuzamishwa.



135

Kwa kweli, Hiyo ndiyo maana ya neno la Kiyahudi baptizo.

Lina maana ya kudumbukiza ndani ya maji au kufunika kabisa kwa maji.

Hii ndiyo njia pekee ya ubatizo inayowakilisha mauti, mazishi na ufufuo wa Kristo.



136

Wakati fulani Paulo na mtenda kazi mwenzake Sila walikwenda Filipi kwa mwaliko wa mtu wa Makedonia ambaye Paulo alikuwa amemwona katika ndoto.



137

Waliamka kiasi kwamba watu wenye ghasia waliwashambulia, hata maisha yao yakawa hatarini. Halaiki hii ya watu ilipasua mavazi ya hawa watu wawili, na wenye mamlaka wakaruhusu wapigwe.



138

Waliamka kiasi kwamba watu wenye ghasia waliwashambulia, hata maisha yao yakawa hatarini. Halaiki hii ya watu ilipasua mavazi ya hawa watu wawili, na wenye mamlaka wakaruhusu wapigwe.

16 - KUWA NA MWANZO MPYA



139

Walipelekwa gerezeni, ambapo askari magereza aliagizwa kuwaweka katika kifungo chenye ulinzi mkali zaidi na kuhakikisha ya kwamba hawatoroki.



140

Usiku wa manane, Paulo na Sila walikuwa wakiimba na kusali, mara ghafula tetemeko likatingisha kuta za gereza - ghafula, malango ya gereza yakafunguka na minyororo ya kila mmoja ikafunguka. Mlinzi wa gereza - yule askari- akaja akikimbia, na, alipoona malango yakiwa wazi alidhani ya kwamba wafungwa wote walikuwa wamekimbia.



141

Alikuwa katika hatua ya kuchukua jambia ili ajiue - akiwa na hakika kabisa ya kwamba angeuawa kwa kuwaruhusu wafungwa watoroke.



142

Lakini Paulo akaita kwa sauti kubwa: Usijidhuru mwenyewe kwa maana sisi sote tuko hapa. (Matendo 16:28 HNKK).



143

Maskini askari magereza aliogopa!- Paulo na Sila- walikuwa wameteswa mikononi mwake huyu mlinzi, bado hawakumchukia na wala hawakutaka kulipiza kisasi. Huyu mlinzi akajua ya kwamba hawakuwa na hatia. Alikimbia akapata taa, kisha akaenda kwenye kichumba chao, hali akianguka katika miguu yao akiomba msamaha.



144

(Fungu: Matendo 16:30,31)

Halafu aliwaongoza nje, akawauliza, Waheshimiwa, nifanye nini nipate kuokoka?



145


Hivyo watu wa Mungu wawili wakajibu, Mwamini Bwana Yesu nawe utaokolewa pamoja na jamaa yako yote.

16 - KUWA NA MWANZO MPYA



146


Mlinzi akawachukua Paulo na Sila hadi nyumbani kwake na kuwaosha miguu yao iliyokuwa ikitoa damu pamoja na migongo yao.



147

(Fungu: Matendo 16:33)

Yule askari aliwachukua saa ileile ya usiku akawasafisha majeraha yao, kisha yeye na jamaa yake wakabatizwa papo hapo.



148

kisha yeye na jamaa yake wakabatizwa papo hapo. Matendo 16:33



149

Marafiki, kama ulikuwa hujaelewa maana na umuhimu wa ubatizo kabla, au kama hujawa na wasaa wa kumfuata Yesu katika huduma yake takatifu ya ubatizo kwa njia ya kuzamisha, swali lilo hilo na mwaliko unakujia kama ambavyo Anania alimwuliza Sauli:



150

(Fungu: Matendo 22:16)

Sasa basi, ya nini kukawia zaidi? Simama ubatizwe na uondolewe dhambi zako..... Matendo 22:16.



151

Wakati Yesu alipobatizwa, sauti toka mbinguni ilisema, Huyu ni Mwanangu, mpendwa wangu, ninayependeza naye. Nawe pia, uingia katika maji ya ubatizo, Bwana wetu atanena kwa moyo wako akisema, Wewe u mwanangu mpendwa wangu. Wewe u binti yangu mpendwa wangu. Ninapendeza nawe. Furaha kuu ya maisha kuliko zote ipo katika kujua ya kwamba unampendeza Mungu. Wakati unapobatizwa, utakuwa na hisia ya ajabu ya kwamba u wa Mungu. U mwana wa Mungu. Kwa namna fulani, ubatizo ni kama harusi. Kabla ya ndoa bibi harusi na bwana harusi ni wapenzi. Ndoa ni ahadi ya hadhara mbele za jamaa na marafiki. Ubatizo uko kama hivyo. Ubatizo hauumbi upendo kwa Mungu ndani ya mioyo yetu.

Sababu ya sisi kutaka kubatizwa ni hii: tumeshampenda tayari.

Ubatizo ni ushuhuda wa hadhara mbele za jamaa zetu na marafiki na kanisa ya kwamba tumo katika mapenzi na tumejitoe kwa Yesu Kristo.

Tufanyapo hili agano la hadhara, maisha yetu ya zamani yanazikwa kwa mfano huu ndani ya maji kwa njia ya ubatizo, na tunainuka kuishi maisha mapya katika Kristo.

Maisha ya kale yamepita - yamezikwa - yasitusumbue tena. Mungu anaahidi kutupatia uwezo wa Roho wake Mtakatifu ili kutuwezesha kuishi maisha ya Kikristo. Watu wengine husita. Wanajizuia. Hawadhani wapo tayari. Ubatizo haumaanishi ya kwamba wewe u mkamilifu. Una maana wewe umejitoe (au umeweka agano).

Yesu anakuita leo ufuate nyayo zake hadi katika kaburi la maji la ubatizo. Anakupa msamaha, uhuru kutoka katika hatia yako yote ya wakati uliopita na uwezo wa kuishi maisha mapya kwa uwezo wa Roho wake Mtakatifu.

Je, utasema ndiyo kwa Yesu sasa hivi? Kama unapenda kumfuata Yesu njia yote katika ubatizo wa Biblia, nataka utembe uje mbele katika ukumbi

16 - KUWA NA MWANZO MPYA

huu ili nipate kuomba kwa namna ya pekee kwa ajili yako.

Nawaalika wote msimame kwa ajili ya ombi sasa.

Kabla sijaomba, kama wataka kusema, Ndiyo, Yesu, nataka kubatizwa, tembea sasa hivi uje hapa mbele na usimame mbele za madhabahu haya uinamishe kichwa chako, ili nipate kuomba kwa ajili yako.

Uisite. Njoo.... sasa hivi, nami nitasali.